

## БЕШИНЧИ БЎЛИМ

ЎЗБЕКИСТОН РЕСПУБЛИКАСИ ПАРВОЗЛАР ХАВФСИЗЛИГИНИ  
НАЗОРAT ҚИЛИШ ДАВЛАТ ИНСПЕКЦИЯСИ БОШЛИГИНИНГ  
БУЙРУҒИ

### **401** «Ўзбекистон Республикаси самовий ҳудудида «Фуқаро ва экспериментал авиациясининг парвоз қилиш авиация қоидалари»га (ЎЗР АҚ-91) ўзгартиришлар киритиш тўғрисида

*Ўзбекистон Республикаси Адлия вазирлиги томонидан 2012 йил  
18 августда рўйхатдан ўтказилди, рўйхат рақами 1723-4*

*(2012 йил 28 августдан кучга киради)*

Ўзбекистон Республикаси Президентининг 2012 йил 16 июлдаги ПФ-4453-сон «Статистик, солиқ, молиявий ҳисоботларни, лицензияланадиган фаолият турларини ва рухсат бериш тартиб-таомилларини тубдан қисқартириш чора-тадбирлари тўғрисида»ги Фармони (Ўзбекистон Республикаси қонун ҳужжатлари тўплами, 2012 й., 29-сон, 327-модда) мувофиқ **буюраман:**

1. Ўзбекистон Республикаси Парвозлар хавфсизлигини назорат қилиш давлат инспекцияси бошлигининг 2007 йил 12 сентябрдаги 141-сон буйруғи билан тасдиқланган «Ўзбекистон Республикаси самовий ҳудудида «Фуқаро ва экспериментал авиациясининг парвоз қилиш авиация қоидалари»га (ЎЗР АҚ-91) (рўйхат рақами 1723, 2007 йил 29 сентябрь) (Ўзбекистон Республикаси қонун ҳужжатлари тўплами, 2007 йил, 41-42-сон, 420-модда) иловага мувофиқ ўзгартиришлар киритилсин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Бошлиқ**

**Т. ЎЛЖАЕВ**

Тошкент ш.,  
2012 йил 13 август,  
11н-сон

Ўзбекистон Республикаси Парвозлар хавф-  
сизлигини назорат қилиш давлат инспекция-  
си бошлигининг 2012 йил 13 августдаги  
11н-сон буйруғига  
ИЛОВА

**Ўзбекистон Республикаси самовий ҳудудида «Фуқаро ва  
экспериментал авиациясининг парвоз қилиш қоидалари»га  
(ЎзР АҚ 91) киритилаётган ўзгартиришлар**

1. 89, 90, 92 ва 206-бандлар ўз кучини йўқотган деб топилсин.

2. 91-банд куйидаги таҳрирда баён этилсин:

«91. Вақтинчалик аэродромлар, авиация ишларини таъминлаш учун аэродромлар ва қўниш майдончаларини ҳисобга олиш тартиби Ўзбекистон Республикаси Дававианазорат томонидан белгиланади.»

3. 8-иловада:

йигирма еттинчи хатбоши чиқариб ташлансин;

йигирма саккизинчи — ўттиз биринчи хатбошилари тегишли равишда йигирма еттинчи — ўттизинчи хатбошилар деб ҳисоблансин.

4. Мазкур ўзгартиришлар Мудофаа вазирлиги, Вазирлар Маҳкамаси ҳузуридаги гидрометеорология хизмати Маркази ва «Ўзбекистон ҳаво йўллари» Миллий авиакомпанияси билан келишилган.

*Мудофаа вазири*

*К. БЕРДИЕВ*

*2012 йил 13 август*

*Вазирлар Маҳкамаси  
ҳузуридаги гидрометеорология  
хизмати Маркази Бош директори*

*В. ЧУБ*

*2012 йил 13 август*

*«Ўзбекистон ҳаво йўллари»  
Миллий авиакомпанияси  
Бош директори*

*В. ТЯН*

*2012 йил 13 август*